

Na osnovu člana 90. Zakona o javnim nabavkama Bosne i Hercegovine ("Službeni glasnik BiH" br. 39/14), a nakon provedenog Direktnog sporazuma, zaključen je

## UGOVOR

o pružanju usluge opravke AD Blue sistema na radnoj mašini Aztec

### I UGOVORNE STRANE

**KJP „ZOI'84“ OCS d.o.o.**,  
Sjedište: Alipašina bb, 71000 Sarajevo  
Kojeg zastupa v.d. direktor Edis Baković  
Identifikacijski broj: 4200347000004  
(u daljem tekstu: Naručilac)

i

**AUTOSERVIS O.D. „DINO“**  
Sjedište: Donji Hadžići broj 8, 71240 Hadžići  
Kojeg zastupa direktor Dino Sirar  
Identifikacijski broj: 4302334680003  
Identifikacijski broj obveznika PDV-a: 302334680003  
Transakcijski broj banke, ime i sjedište banke: 1610000109480031 Raiffeisen bank d.d.  
(u daljem tekstu: Izvršilac)

### II PREDMET UGOVORA

#### Član 1.

Predmet ovog ugovora je nabavka usluga - opravke AD Blue sistema na radnoj mašini Aztec, prema Pozivu Naručioca broj 3024/20 od 06.11.2020. godine i Ponudi Izvršioca broj: 020/20 od 11.11.2020. godine, koja je u prilogu ovog Ugovora i čini njegov sastavni dio.

### III CIJENA I NAČIN PLAĆANJA

#### Član 2.

(1) Ugovor se zaključuje sa ukupnom vrijednosti u iznosu od **1.716,00 KM** (slovima: jednuhiljadusedamstotinašesnaest i 00/100 konvertibilnih maraka) bez uključenog PDV-a, odnosno **2.007,72 KM** (dvijehiljadeseam i 72/100 konvertibilnih maraka) sa uključenim PDV-om.

(2) Uslugu iz člana 1. ovog Ugovora Naručilac će plaćati prema utvrđenim jediničnim cijenama iz Ponude Izvršioca broj: 020/20 od 11.11.2020. godine, koje se neće mijenjati tokom ugovorenog perioda.

(3) Plaćanje će se vršiti najkasnije u roku od 30 (trideset) dana, od dana izvršenja usluge i prijema fakture za izvršenu uslugu.

### IV OBAVEZE IZVRŠIOCA

#### Član 3.

Izvršilac je obavezan:

- da usluge koje su predmet nabavke izvrši u svemu prema zahtjevima Naručioca;
- da sve poslove izvrši u skladu sa Zakonom, tehničkim propisima i standardima relevantnim za ovu vrstu poslova;
- da po završetku pregleda i ispitivanja izradi i dostavi izvještaj sa rezultatima pregleda ta da izda izvještaj o izvršenim poslovima;
- obezbjediti garanciju za izvršene usluge u trajanju od 12 (dvanaest) mjeseci.

#### *Član 4.*

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- a) za Naručioca: Nihad Podrug;
- b) za Izvršioca: Dino Sirar.

### **V ROK IZVRŠENJA USLUGA**

#### *Član 5.*

(1) Rok izvršenja usluge iz člana 1. ovog Ugovora je 30 (trideset) dana računajući od datuma obostranog potpisivanja ovog Ugovora.

(2) U slučaju ako se u toku ugovorenog perioda pomjere rokovi izvršenja usluge zbog COVID-a ili ako se uvedu ograničenja kretanja, izvršenje usluge će se prolongirati u skladu sa uslovima i rokovima koju budu aktuelni.

### **VI NAČIN IZVRŠENJA USLUGA**

#### *Član 6.*

(1) Izvršilac je obavezan usluge iz člana 1. Ugovora izvršiti u roku, na način i pod uslovima određenim Pozivom Naručioca broj: 3024/20 od 06.11.2020. godine, Ponudom Izvršioca broj: 020/20 od 11.11.2020. godine, kao i odredbama ovog Ugovora te pri tome postupati sa pažnjom dobrog privrednika, odnosno sa pažnjom dobrog stručnjaka.

(2) U izvršenju usluga Izvršilac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja za konkretne poslove.

(3) Pod izvršenjem usluge se podrazumijevaju sve potrebne radnje koje je Izvršilac dužan obaviti, prema Ugovoru i prirodi posla, da bi Naručilac mogao primiti izvršenje usluga.

### **VII STUPANJE NA SNAGU I RJEŠAVANJE SPOROVA**

#### *Član 7.*

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i potpisuje se na period od 60 (šezdeset) dana.

#### *Član 8.*

(1) Svaka ugovorna strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana od dana prijema pismenog obavještenja o otkazu Ugovora.

(2) Ugovor se raskida pismenom Izjavom koja se dostavlja drugoj ugovornoj strani. U Izjavi mora biti naveden razlog zbog kojeg se ovaj Ugovor raskida.

(3) Ako ugovorne strane sporazumno raskinu ovaj Ugovor, tim Sporazumom će se regulisati sva pitanja nastala povodom raskida Ugovora.

#### *Član 9.*

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost Suda opće stvarne nadležnosti u Sarajevu.

## VIII OSTALE ODREDBE

### Član 10.

Izvršilac nema pravo da u svrhu izvršenja ovog Ugovora, zapošljava fizičke ili pravne osobe koje su bile uključene u pripremu zahtjeva za dostavljanje ponuda, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

### Član 11.

Za sve što nije regulirano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.

### Član 12.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

### Član 13.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

ZA IZVRŠIOCA

ZA NARUČIOCA

Dina Sirar, direktor

Edis Baković, VD Direktor

Datum: \_\_\_\_\_.2020. godine

Datum: 26.11.2020. godine

Broj: \_\_\_\_\_/20

Broj: 3041 /20

BE  
AO  
H